



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Episcopo Sidoniensi, Beriten. & Biblien. Episcopis.

urn:nbn:de:hbz:466:1-20006

ri rescripto, taliter ad proposita respondemus. Quòd si testes inducti jam sint ad exceptionem solummodo comprobendam, cum super ea tantum juraverint dicere veritatem, super principali nec debent audiri, nec cogi testimonium perhibere, utpote super quo deponerent non jurati. Si verò cum ad probandam exceptionem peremptoriam ab alterutra partium inducuntur, reliqua pars super principali etiam eos deponere fortè petierit, & ut cogantur super toto negotio dicere veritatem, sacramento eos postulaverit obligari, ad id sunt sine dubitatione cogendi, nisi forsan sufficiens productio testium super principali facta jam fuerit, vel renuntiatum à partibus, vel depositiones testium fuerint publicatae. Illi verò qui ad purgandam alicujus infamiam inducuntur, id solum tenentur juramento firmare, quòd veritatem eum credant juramento dicere qui purgatur. Datum Laterani IV. Nonas Januarij.

ARCHIEPISC. ET CAPITULO
Tyren.

Epist. 514.
Ne infideles
conjuncti gra-
du prohibito,
post baptismum
separentur.
Cap. De infide-
libus. De con-
sanguini. & af-
finitate.

DE infidelibus ad fidem conversis nos consulere voluistis, utrum si ante conversionem suam, secundum legis veteris instituta vel traditiones suas, citra gradus consanguinitatis à canone denotatos conjuncti fuerint, separari debeant post baptismum. Super hoc igitur devotioni vestrae duximus respondendum, quòd matrimonium sic ante conversionem contractum, non est post baptismi lavacrum separandum, cum à Iudæis Dominus requisitus, si licet uxorem ex qualicunque causa relinquere, ipsis responderit: *Quod Deus conjunxit, homo non separet.* per hoc innuens esse matrimonium inter eos. Datum Laterani III. Kal. Januarij.

TYREN. ARCHIEPISCOPO.

Epist. 515.
Quòd Patriar-
chæ & Primate
Archiepiscopo-
rum & Episcopo-
rum subdito-
rum judicare in
prima instantia
non debeant.
Cap. Duo simul.
De officio ordi-
narij.

DVO simul, consultationem scilicet, & querimoniam, unica tuae fraternitatis petitio continebat: per quam à venerabili fratre nostro Hierosolymitano Patriarcha querebaris Clericos tuos tecum injustè gravari, qui eos, spreto tuo judicio, coram quo parati sunt de se querentibus justitiam exhibere, licet ad eum per appellationem causa minimè deferatur, coram se respondere compellit: & utrum ad id possint de jure

compelli, per nostras postulabas literas edoceri. Volentes igitur tibi super gravaminibus providere prædictis, & consultationibus tuis quod canones sanciunt respondere, cum sit in canonibus diffinitum Primates vel Patriarchas nihil privilegij habere præ ceteris Episcopis, nisi quantum canones sacri concedunt, & prisca consuetudo illis contrahat antiquo, ita ut secundum Nicænas regulas sua privilegia serventur Ecclesiis, præterquam si apostolica sedes aliquam Ecclesiam vel rectorem ipsius quolibet speciali privilegio decreverit honorare, de fratrum nostrorum consilio respondemus quòd quandiu Clerici tui coram te voluerint stare juri, compelli non debent iudicium ejusdem Patriarchæ subire, nisi causa forsitan per appellationem ad ejus audientiam perferatur, aut, quod non credimus, aliquid ei à sede apostolica sit indultum. Datum Laterani Nonis Januarij.

In eundem ferè modum Acconensi Episcopo.

EPISCOPO SIDONIENSI,
Beriten. & Biblien. Episcopis.

Significavit nobis venerabilis frater noster Acconen. Episcopus, quòd cum post recuperationem civitatis Acconen. ad inhabitandum in ea se contulissent quidam qui ante generalem occupationem terræ sanctæ in aliis civitatibus regni Hierosolymitani perpetuam elegerant mansionem, & in ea residentiam fecerant aliquantam, & adhuc etiam resideant in eadem, Prælati prædictarum civitatum eos ad solvendum sibi ecclesiastica jura, ecclesiastica districtione compellunt. Quia verò transgredi non debemus terminos à patribus constitutos, aut falcem in messem mittere alienam, fraternitati vestrae per apostolica scripta mandamus quatenus prædictorum locorum Prælatos, ut sibi nullam in prædictos Acconen. habitatores jurisdictionem usurpent, nec ab eis temporalia exigant quibus spiritualia non ministrant, monitione præmissa, districtione qua convenit, compellatis: ita tamen quòd si de agris in eorum parochia constitutis fructus percipiunt, & in ultramarinis partibus ratione prædictorum decimæ persolvuntur, * de ipsis eis decimas cum integritate persolvant. Dicta verò Acconen. tanquam

Cap. Comp.
Rus. 9. 2. 1.

Concil. Nicæ.

Epist. 516.
De decimarum
solutione.
Cap. ult. de pa-
rachite & al-
nisi parochiani.

* In secunda
Collecta. dis-
cept.

tanquam diocefano fuo de ceteris re-
pondere cogantur. Quòd si omnes &c.
Datum Laterani X. Kalend. Ianuarij.

ACCONEN. EPISCOPO.

Sicut nobis est ex tua parte propo-
situm, quidam Clericus cum ægri-
tudine nimia laboraret, quasi de morte
securus, & de recuperanda sospitate des-
perans, habitum Canonicorum regula-
rium petiit, & accepit, ea in susceptione
habitus exprimens ac promittens quæ
solent in huiusmodi re promitti. sed nec
ad Ecclesiam transit, utpote infirmitate
gravatus, nec bonis suis uti cessavit. Post-
modum verò sospitate recepta, post *XV.
annos & ultra, videntibus & scientibus
venerabili fratre nostro Archiepiscopo
& dilecto filio Priore & Canonicis Eccle-
siæ Nazarenis, à quibus habitum susce-
perat regularem, tu, licet eo tempore
quo habitum susceperat in Ecclesia Na-
zaren. Prioris sollicitudinem exerce-
res, immemor eorum quæ facta fuerant cir-
ca ipsum, in Acconen. eum Canonicum
suscepisti. Quia verò quid super hoc fa-
cere debeas, per nostras postulas literas
edoceri, fraternitati tuæ duximus res-
pondendum quòd si regularem habitum
se postulante suscepit, & ad observatio-
nem religionis canonicæ sua se professio-
ne ligavit, ad resumendum habitum ec-
clesiasticum est districtione cogendus, cum
quòd tanto tempore extra canonicam
mansit, non in excusationem ejus, sed in
majoris transgressionis augmentum me-
rito valeat allegari. Datum ut supra.

HIEROSOLYMITANO
Patriarchæ.

Tacti sumus dolore cordis intrin-
secus, & medullas etiam doloris
immensitas penetravit, certis indiciis
agnoscentes quòd laici, Clerici, subditi,
& Prælati, & tu ipse adhuc in vos ac
transmarinam provinciam immo etiam
totum populum Christianum ultionem
Domini odio, malevolentia, & detra-
ctionibus assiduis provocatis, quem po-
tius orationibus, vigiliis, jejuniis, &
aliis operibus caritatis, quantum in vo-
bis esset, deberetis ad misericordiam in-
clinare. Super quo tibi tanto fortius con-
dolemus, quanto subiectos tibi populos
ad viam rectitudinis verbo invitare de-
bueras & exemplo, non doctrinam con-
trariam sermone vel facto eorum oculis

vel auribus instillare. Recepimus enim
literas illas quas in derogationem fa-
mæ venerabilis fratris nostri Tyren. Epif-
copi edere ac in quibus personam ipsius
turpiter depingere voluisti, quia non ex-
petita à te licentia navigarat in Cyprum.
Sicut autem ex tenore literarum illarum
perpendimus, cum idem Archiepiscopus
navigasset in Cyprum, & cariss. in Chri-
sto filium nostrum Aimericum tunc Cy-
pri Regem illustrem ad cariss. in Christo
filia nostra Hierosolymitanæ Regina
conjugium & Hierosolymitani regni re-
gimen de consilio & voluntate ferè to-
tius Christiani exercitus evocasset, ut
eorum matrimonium impedires, affini-
tatis & incestus impedimentum, serò ta-
men, objiciens, consentire in ejus copu-
lam noluisti, postmodum verò volunta-
te mutata eos in Regem & Reginam co-
ronasti conjunctos. in quo te tibi contra-
rium fuisse dolemus, & vel malè priùs
contradixisse convincimus, vel malè
postmodum consensisse. Super quibus
cum veritas nobis plenius innotuerit,
contra te non poterimus non moveri,
immo etiam statuere quod jus exegerit
statuendum. Datum ut supra.

FVLCONI ABBATI
Corbeien.

AD hoc in Ecclesia Dei visibilis est
sacramentorum species instituta,
ut per exteriora quæ cernimus, ad inte-
riora quæ intelligimus transmittamus.
Inter ceteros siquidem sacramentales
ornatus, Prælati Ecclesiarum concedi-
tur annulus, qui est signaculum fidei, jux-
ta quod pater filio revertenti dari annu-
lum in manu præcepit, ut videlicet Ec-
clesiam sibi commissam Prælatus ipse
intemerata fide custodiat, ad quam fide-
liter observandam per visibilem speciem
jugiter admonetur. Cum igitur monaste-
rium Corbeien. quod ad Ro. Ecclesiam
nullo respicit mediante, sincera diliga-
mus in Domino caritate, volentes ipsum
in te alicujus dignitatis privilegio deco-
rare, ut & Ecclesiæ Ro. magis existas ob-
noxius & devotus, & fortius & efficacius
regimini commissi tibi monasterij debeas
imminere, usum tibi annuli de benignita-
te sedis apostolicæ indulgemus. Nulli er-
go &c. Datum Laterani III. Kal. Ianuarij.

335 486

Pp

Epif. 917.
Ve professus re-
ligionem, cam
ingredi & ser-
vare compella-
tur.
Cap. Sicut no-
bis. De regula-
rius.

* In Tertia Col-
lit. XX.

Epif. 919.
Conceditur
usus annuli.

Epif. 918.
Illum officij
sit pie admo-
net, & propter
sua delicta in
ipsum iure ani-
madversum
significat.
Vide supra epif.
917.